

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10) a u vezi sa članom 22. Zakona o izvršavanju Budžeta Zeničko-dobojskog kantona za 2012. godinu („Službene novine Zeničko-dobojskog kantona“, broj 5/12), a na prijedlog Ureda premijera Zeničko-dobojskog kantona, Vlada Zeničko-dobojskog kantona, na 70. sjednici, održanoj 12.07.2012. godine, d o n o s i

ZAKLJUČAK

o usvajanju Programa utroška finansijskih sredstava sa razdjela 11 – Ured premijera, budžetska organizacija 01, potrošačka jedinica 0001, ekonomski kod 614300, pozicija „Tekući transferi neprofitnim organizacijama“, Budžeta Zeničko-dobojskog kantona za 2012. godinu

I.

Usvaja se Program utroška finansijskih sredstava, sa razdjela 11 – Ured premijera, budžetska organizacija 01, potrošačka jedinica 0001, ekonomski kod 614300, pozicija „Tekući transferi neprofitnim organizacijama“, Budžeta Zeničko-dobojskog kantona za 2012. godinu u iznosu od 300.000,00 KM (slovima: tristostotinehiljada konvertibilnih maraka), i čini sastavni dio ovog zaključka.

II.

Sredstva iz Programa iz tačke I. ovog zaključka realizovat će se u skladu sa odobrenim mjesečnim planovima, a usklađeno sa realizacijom ostvarenih javnih prihoda u prethodnom mjesecu, osim u slučajevima odobrenim posebnom odlukom Vlade.

III.

Sredstva iz člana I. ovog zaključka koristiće se po prijedlogu Ureda premijera, na osnovu akta kojeg donosi Vlada.

IV.

Za realizaciju ovog zaključka zadužuju se Ured premijera i Ministarstvo finansija, svako u okviru svojih nadležnosti.

V.

Zaključak stupa na snagu danom donošenja.

Broj: 02-_____/12.
Datum, 12.07.2012. godine
Zenica

PREMIJER

mr.sci. Fikret Plevljak, dipl.ing.

DOSTAVLJENO:

1x Ured premijera,
1x Ministarstvo finansija,
1x a/a.

PROGRAM

**utroška finansijskih sredstava, sa razdjela 11 – Ured premijera, budžetska organizacija 01,
potrošačka jedinica 0001, ekonomski kod 614300, pozicija „Tekući transfer neprofitnim
organizacijama“, Budžeta Zeničko-dobojskog kantona za 2012. godinu**

1. CILJ PROGRAMA

Ovim programom Ured premijera Zeničko-dobojskog kantona (u daljem tekstu: Ured), u skladu sa u Budžetu planiranim sredstvima, ostvaruje sljedeće ciljeve:

- davanje materijalne podrške projektima i manifestacijama u organizaciji organa i institucija kantona, kao i onim predloženim od strane civilnog sektora (udruženja, organizacije...), čije finansiranje nije predviđeno u okviru drugih programa, a značajni su za građane, institucije i organe Zeničko-dobojskog kantona;
- podržava projekte u oblasti kulture, sporta, nauke, umjetnosti, kao i značajne manifestacije i projekte za očuvanje i promociju historijskih i državnih tekovina;
- obuhvatiti projekte i manifestacije koji su i ranijih godina podržavani od strane Vlade Zeničko-dobojskog kantona i na taj način postali tradicionalni i prepoznatljivi za užu i širu društvenu zajednicu;
- podržava kandidirane projekte/programme ukoliko daju doprinos podizanju općeg kulturnog nivoa građana u lokalnoj zajednici i društvu kao i da daju doprinos jačanju nacionalne i vjerske tolerancije;
- da kandidirani projekti/programi daju doprinos popularizaciji i razvoju sporta, postizanju vrhunskih sportskih rezultata i da daju doprinos omasovljavanju profesionalnog i amaterskog sporta;
- da doprinos uspješnom prezentiranju i afirmaciji Zeničko-dobojskog kantona, Federacije Bosne i Hercegovine i Bosne i Hercegovine u svijetu.

2. VISINA SREDSTVA ZA PROVOĐENJE PROGRAMA

- U svrhu provođenja ovog programa planirana su sredstva u iznosu od 300.000,00 konvertibilnih maraka, na razdjelu 11 – Ured premijera, budžetska organizacija 01, potrošačka jedinica 0001, ekonomski kod 614300, pozicija „Tekući transfer neprofitnim organizacijama“, Budžeta Zeničko-dobojskog kantona za 2012. godinu („Službene novine Zeničko-dobojskog kantona“, broj 5/12).

3. STRUKTURA PROGRAMA

Br.	Naziv pozicije u programu	Svrha programa	Primalac	Iznos u KM	Izvori finansiranja
1	2	3	4	5	6
1	Organizacija svečanih akademija, okruglih stolova i tribina za dane nezavisnosti i državnosti BiH	Obilježavanje značajnih datuma iz bliže i dalje prošlosti	Organizacije i pojedinci iz oblasti kulture, muzejske, istorijske i vojne oblasti, umjetnici, istoričari	25.000,00	Sredstva osigurana u Budžetu za 2012. godinu
2	Finansiranje ili sufinansiranje sportskih manifestacija i projekata od značaja za Kanton ili državu čiji je pokrovitelj Kanton ili Vlada, ili pak u supokroviteljstvu sa drugim organima, organizacijama, udruženjima i institucijama	Promocija Zeničko-dobojskog kantona u oblasti sporta, kao i razvoj i podrška omasovljenju sporta na području Kantona	Organizacije iz oblasti sporta	75.000,00	

3	Finansiranje ili sufinansiranje kulturnih, naučnih i vjerskih manifestacija na području Kantona i BiH	Promocija Zeničko-dobojskog kantona u oblasti kulture i nauke, te njegovanje tradicija u narodu	Organizacije i pojedinci iz oblasti kulture, nauke i vjerskog života	50.000,00
4	Finansiranje projekata i poslovne saradnje sa medijskim kućama sa područja Zeničko-dobojskog kantona	Podizanje nivoa informisanja građana na jedan viši i kvalitetniji nivo.	Medijske kuće iz oblasti radio stanica, televizijske kuće, kuće koje se bave printanim medijima, te internet blogovi	100.000,00
5	Sredstva rezervi			50.000,00
UKUPNO				300.000,00

- Sredstva iz Programa utroška finansijskih sredstava sa razdjela 11 – Ured premijera, budžetska organizacija 01, potrošačka jedinica 001, Budžeta Zeničko-dobojskog kantona za 2012. godinu, pozicija „Tekući transfer neprofitnim organizacijama“, realizovat će se u skladu sa odobrenim mjesečnim planovima, a usklađeno sa realizacijom ostvarenih javnih prihoda u prethodnom mjesecu, osim u slučajevima odobrenim posebnom odlukom Vlade.

1. KRITERIJI ZA DODJELU SREDSTAVA

4.1. OPŠTI:

- da korisnik sredstava ima stalno prebivalište ili sjedište, odnosno boravište na području Zeničko-dobojskog kantona;
- kvalitet kandidiranih projekata/programa;
- kontinuiranost projekta i njegova tradicijska osnova (projektne aktivnosti koje imaju dugoročni učinak i održivost);
- da program/projekat promoviše Zeničko-dobojski kanton, Federaciju Bosne i Hercegovine kao cijelu Bosnu i Hercegovinu.
- regionalna i nacionalna zastupljenost općina;
- visina procenata ulaganja u program/projekat iz drugih izvora finansiranja, inozemnih ili domaćih;
- do sada dobijene nagrade i priznanja na domaćem i međunarodnom planu,
- korisnik sredstava treba da osigura transparentnost utroška odobrenih sredstava, te eventualno omogući kontrolu utroška sredstava,
- da posjeduje urednu registraciju i račun kod poslovne banke,
- da račun korisnika sredstava nije bio blokiran u zadnjih šest mjeseci,
- da je korisnik dostavio uredne izvještaje o utrošku sredstava iz ranijeg perioda.

4.2. POSEBNI:

Osim navedenih općih kriterija ponuđeni programi/projekti treba da:

- afirmišu očuvanje i njegovanje tradicija oslobodilačko-odbrambenog rata, kroz obilježavanje značajnih događaja, datuma i ličnosti iz bliže i dalje prošlosti, putem održavanje okruglih stolova, tribina, susreta boraca, memorijalnih sportskih susreta i drugih oblika okupljanja i evociranja uspomena na prošlost;
- predstavljaju nastavak projekata pisana riječ „da se ne zaboravi i ne ponovi“;
- doprinose podizanju kvaliteta i razvoja sporta u Kantonu;

- obezbjeđenju kontinuiteta sportskih manifestacija od posebnog značaja za ugled Kantona, Federaciju Bosne i Hercegovine i samu Bosnu i Hercegovinu;
 - projekti obezbjeđuju podsticanje na ostvarivanje vrhunskih sportskih rezultata;
 - daju podršku sportskim ekipama s ciljem obezbjeđivanja uvjeta za razvoj sporta kroz nabavku opreme i obezbjeđivanje termina za bavljenje sportom (amaterskim);
 - projekti doprinose popularizaciji i razvoju sporta kod mladih;
 - afirmišu kulturno i umjetničko stvaralaštvo;
 - stimulišu programi/projekti koji utičuna razvoju kulture i umjetnosti u internacionalnim okvirima;
 - stimulišu se programi/projekti koji promoviraju kulturu i umjetnost drugih naroda, odnosno, projekti koji jasno ističu značaj međunarodne kulturne saradnje;
 - okupljaju što veći broj učesnika i posjetilaca koji su obuhvaćeni projektom/programom (domaći i strani).
 - da su programi/projekti besplatni za posjetioce,
- Za finasiranje programskih projekata medija iz oblasti javnog informisanja Zeničko-dobojskog kantona osim općih i posebnih kriterija potrebno je i sljedeće:
- a) da su registrovani, imaju sjedište i djeluju na području Zeničko-dobojskog kantona;
 - b) da posjeduju dozvolu za rad Regulatorne agencije za komunikacije BiH za zemaljsko emitovanje (odnosi se na elektronske medije);
 - c) da raspolazu tehničkim, prostornim i kadrovskim potencijalom za pružanje medijskih usluga;
 - d) da imaju izmirene zakonske obaveze po osnovu poreza i doprinosa, zaključeno sa 31. decembrom 2011. godine;
 - e) da se programska aktivnost (sadržaji) odnosi na afirmaciju, zaštitu i očuvanje nacionalnih, kulturnih, vjerskih običaja i drugih interesa konstitutivnih naroda, nacionalnih manjina i svih građana Zeničko-dobojskog kantona;
 - f) da nepristrano, objektivno, istinito i argumentovano objavljuju informacije;
 - g) da redovno prate rad i aktivnost Skupštine Zeničko-dobojskog kantona, Vlade Zeničko-dobojskog kantona i kantonalnih organa uprave i upravnih organizacija,
 - h) veličina područja u Zeničko-dobojskom kantonu koje medij pokriva u skladu s dozvolom RAK-a BiH, odnosno prostor na kome se distribuira (odnosi se na printane medije),
 - i) obim i struktura sadržaja vlastite produkcije medija.

5. POSTUPAK DODJELE SREDSTAVA

a) **Potrebna dokumentacija:**

Sredstva će se odobravati na osnovu podnesenih zahtjeva za dodjelu sredstava sa programom odnosno projektom za koji se aplicira.

1. Program/projekat sadrži sljedeće elemente:

- Naziv projekta (programa, manifestacije, takmičenja);
- Podaci o organizatoru (adresa, banka korisnika, račun za uplatu, ID broj, kontakt osoba i broj mobilnog telefona)
- Obrazloženje značaja manifestacije za Zeničko-dobojski kanton,
- Mjesto i vrijeme održavanja;
- Sadržaj programa, manifestacije, takmičenja;
- Potrebna sredstva i način finansiranja;
- Obrazloženje utroška sredstava.

2. Ostali prilozi uz zahtjev za dodjelu sredstava:

- potvrda od nadležne banke da transakcijski račun udruženja nije blokiran u zadnjih šest mjeseci;
- kratak opis organizacije sa podacima o prethodno realizovanim projektima i kvalifikaciji kadrova koji implementiraju projekat (odgovorne osobe, saradnici, volonteri);
- dosadašnje reference,
- podnosilac zahtjeva treba osigurati uslove da je program ili projekt osmišljen na način da je moguće kontrolisati i nadzirati provođenje aktivnosti i potrošnju odobrenih finansijskih sredstava.

3. Aplikanti – podnosioci zahtjeva za dodjelu sredstava vezanih za „Finasiranje programskih projekata medija iz oblasti javnog informisanja Zeničko-dobojskog kantona“ dužni su uz prijavu za dodjelu sredstava dostaviti sljedeću dokumentaciju:

- rješenje o upisu u registar pravnih lica (original ili ovjerena kopija);
- uvjerenje o poreskoj registraciji (original ili ovjerena kopija);
- potvrdu od nadležne banke da im račun nije bio blokiran u zadnjih šest mjeseci
- programski projekat (emisije ili ciklusa emisija, odnosno novinskih ili internet članaka) sa kojima se aplicira na javni poziv, sa kratkim opisom sadržaja i načina realizacije i utvrđenom dinamikom i planom emitovanja-štampanja;
- finansijski plan predloženog/ih programskog projekta/kata, sa specifikacijom troškova (izrada, emitovanje, objavljivanje, izdavanje) i visinom traženih sredstava;
- dokaz o izmirenim obavezama po osnovu prihoda i doprinosa (uvjerenja: nadležne poreske uprave, Uprave za indirektno oporezivanje, Fonda PIO i Zavoda zdravstvenog osiguranja Zeničko-dobojskog kantona - original ili ovjerena kopija);
- izjavu o organizaciji rada medija, broju zaposlenih, područjem koji medij pokriva, tehničkoj opremljenosti, obimu i strukturi vlastite produkcije i redovnom tiražu (odnosi se na printane medije),
- posjedovanje dozvole RAK-a za emitovanje (za elektronske medije), potpisanu i ovjerenu od strane ovlaštenog lica podnosioca prijave.

4. Postupak za dodjelu sredstava:

Zahtjev za dodjelu sredstava zainteresovane neprofitne organizacije podnose Uredu premijera Zeničko-dobojskog kantona, koji će nakon pozitivne ocjene zahtjeva u skladu sa općim i posebnim kriterijima iz ovog programa, a u skladu sa članom 22. Zakona o izvršavanju Budžeta Zeničko-dobojskog kantona („Službene novine Zeničko-dobojskog kantona“, broj 5/12), predložiti Vladi Zeničko-dobojskog kantona dodjelu sredstava.

Sredstva iz programa se odobravaju zaključkom Vlade, u kome će se utvrditi obaveza korisnika sredstava, da poslije okončanog projekta ili manifestacije dostavi Uredu premijera izvještaj o utrošku sredstava.

6. ZAKLJUČNE ODREDBE

Za realizaciju izvršenja programa, kao i praćenje pravilnosti i dinamike utroška sredstava zadužuje se Ured premijera.

Broj: 02-_____/12.
Datum, 12.07.2012. godine
Zenica

PREMIJER

mr.sci. Fikret Plevljak, dipl.ing.

DOSTAVLJENO:
1x Ured premijera,
1x Ministarstvo finansija,
1x a/a.